

Meridiam Infrastructure Europe V

Loyiha tavsifi

Meridiamning Yevropadagi infratuzilma bo'yicha 5-fondiga ("Meridiam Sustainable Infrastructure Europe V") 200 million yevrogacha bo'lgan ulushli investitsiya ajratiladi. YTTBning ushbu mablag'i faqat Bank faoliyat yuritadigan tanlab olingan mamlakatlardagi loyihalarga yo'naltiriladi.

Loyiha maqsadlari

Fond asosan yangi tashkil etiladigan barqaror infratuzilma loyihalariga, ayrim hollarda esa Yevropa va Osiyodagi mavjud platformalar hamda faoliyat yuritayotgan loyihalarga investitsiya kiritadi. Asosiy maqsad - uzoq muddatda daromad olish va kapital qiymatini oshirish.

O'tish davriga ta'siri

ETI score: 68

Ushbu bitim barqaror infratuzilma loyihalarini moliyalashtirish uchun xususiy kapital mablag'lari hajmini oshirishga yordam beradi. Shu orqali u o'tish jarayonini sifati yo'nalishini kuchaytirishga ham hissa qo'shadi. Bundan tashqari, ushbu bitim energiya va resurslardan samaraliroq foydalanishga xizmat qiladigan ulushli investitsiyalarni rag'batlantiradi. Shuningdek, u iqlimning jismoniy xatarlari va iqlim o'tishi bilan bog'liq xavflarga nisbatan chidamlilikni kuchaytirishga ham yordam beradi. Natijada, ushbu bitim yashil o'tish sifati yo'nalishiga ham ijobiy ta'sir ko'rsatadi.

Mijoz haqida ma'lumot

MERIDIAM SUSTAINABLE INFRASTRUCTURE EUROPE V

YTTB moliyalashtirish xulosasi

200,000,000.00 yevro

Loyihaning umumiy qiymati

200,000,000.00 yevro

Qo'shimcha ahamiyati

YTTBning ushbu Fondagi ishtiroki Bank faoliyat yuritadigan mamlakatlarda yangi barqaror infratuzilma loyihalariga global institutsional investorlar kapitalini jalb qilishga yordam berishi kutilmoqda.

Ekologik va ijtimoiy xulosa

Ushbu loyiha FI toifasi sifatida tasniflangan (ESP 2024). Meridiam Bankning amaldagi mijozi va mavjud hamkori bo'lib, YTTBning Ekologik va ijtimoiy talablari ("**ESRs**")ni bajarish bo'yicha ijobiy tajribaga ega. Bank kompleks tahlilni so'rovnomalar, Meridiamning oldingi yillardagi ekologik va ijtimoiy ("**E&S**") hisobotlarini ko'rib chiqish, SFDRning 9-moddasiga muvofiq shartnomaoldi hujjatlarini tahlil qilish hamda Meridiam bilan qo'shimcha muhokamalar o'tkazish orqali amalga oshirdi. Fond YTTBning ESR 2, 4 va 9 talablariga rioya qiladi, faol ulushli fondlar uchun belgilangan ekologik va ijtimoiy xatarlarni boshqarish tartib-taomillarini qabul qiladi va amalga oshiradi hamda Bankka har yili ekologik va ijtimoiy hisobotlarni taqdim etadi.

Meridiam taklif etilayotgan portfel bo'yicha ekologik va ijtimoiy xatarlarni aniqlash, toifalash, baholash, kamaytirish va kuzatib borish uchun keng qamrovli ekologik va ijtimoiy boshqaruv tizimini ("**ESMS**") ishlab chiqqan. Meridiam bu ishlarni amalga oshirish uchun yetarli ichki salohiyatga ega bo'lib, ichki ekologik va ijtimoiy mutaxassislarga, shuningdek mustaqil tashqi ekspertlarga tayanadi. Investitsiya portfeli tahlili davomida A toifaga kirishi mumkin bo'lgan ayrim kichik loyihalar aniqlangan va keyingi hamkorliklar Meridiamda bunday loyihalarni YTTBning ESR talablariga muvofiq tashkil etish imkoniyati mavjudligini ko'rsatgan.

Meridiam A toifali kichik loyihalarni Bankka taqdim etadi va Bank ushbu kichik loyihalarning toifasini tasdiqlaydi. Har bir A toifali kichik loyiha bo'yicha Meridiam ushbu loyiha bilan bog'liq asosiy ekologik va ijtimoiy masalalarni Bank bilan muhokama qiladi. Meridiam bunday kichik loyihalarning ehtimoliy ekologik va ijtimoiy ta'sirlarini baholash, ularni kamaytirish va ushbu loyihalarning ESR 1-8 va 10 talablariga muvofiqligini ta'minlash uchun mas'ul bo'ladi.

Yashil baholashlar

Fond ulushli fondlar uchun YTTBning Parij kelishuvi bilan muvofiqlik yondashuvi qo'llanilganligi asosida Parij kelishuvining yumshatish va moslashuv maqsadlariga mos

deb topilgan. Mazkur xulosa 1-ustun (ya'ni kontragentning Parij kelishuviga sodiqligi) mezonida chiqilgan.

Kompaniya bilan bog'lanish uchun ma'lumotlar

Sabri Youcefi

s.youcefi@meridiam.com

+33 6 80 68 16 71

<https://www.meridiam.com/>

Fransiya, Parij shahri, 75002, Opera maydoni (place de l'Opéra), 4-uy

Ijro xulosasi

PSD oxirgi marta yangilangan sana

2026-yil 4-mart

O'tish davri nima

O'tish davri ta'sirini baholash bo'yicha YTTB yondashuvi haqidagi qo'shimcha ma'lumotni [mana bu havoladan](#) olishingiz mumkin.

Loyihalarda ishtirok etish uchun imkoniyatlar

Loyihada yoki xaridlarda ishtirok etish uchun mijoz kompaniyaga murojaat qiling.

YTTB bilan (xaridlarga oid bo'lmagan masalalarda) hamkorlik qilish uchun quyidagi telefon

yoki elektron pochta orqali bog'laning:

Tel: +44 20 7338 7168

E-manzil: projectenquiries@ebrd.com

Davlat sektoridagi loyihalar uchun [YTTB xaridlari](#) sahifasiga o'ting:

Tel: +44 20 7338 6794

E-manzil: procurement@ebrd.com

Umumiy ma'lumotlar

Aniq so'rovlar [YTTB so'rovlar shakli](#)dan foydalangan holda berilishi mumkin.

Ekologik va ijtimoiy siyosat (ESP)

YTTB o'zining "ekologik jihatdan mas'ul va barqaror rivojlantirish" tashabbusini ilgari surishda [Ekologik va ijtimoiy siyosat](#) va uning tarkibiy qismi bo'lgan loyiha talablari (PR) Bank loyihasini amalda qo'llash tartibini belgilab beradi. ESP va PR tegishli milliy qonunchilik doirasida Bank mijozlarining keng jamoatchilikka axborot berishi va maslahatlashishini ta'minlash, shuningdek manfaatdor tomonlarning xavotirlari va shikoyatlarini, ayniqsa, ekologik va ijtimoiy muammolarni ko'rib chiqish va hal qilishga yordam beradigan mexanizmni yaratishdagi aniq talablarni o'z ichiga oladi. Loyihaning ekologik va ijtimoiy risklarni va ta'sirining mohiyati va ko'lamidan kelib chiqqan holda, zarurat tug'ilganda, YTTB o'z mijozlaridan qo'shimcha ravishda loyihalarning risklarni va ta'sirlari haqida ma'lumotni oshkor qilishni, shuningdek, manfaatdor tomonlar bilan batafsil fikr almashish va muammolar yuzasidan choralar ko'rilishini talab qiladi.

Bu sohada YTTBning tajribasi bo'yicha qo'shimcha ma'lumotlar ESPning quyidagi [sahifasida](#) keltirilgan.

Ish faoliyatidagi halollik va belgilangan me'yorlarga rioya qilish

YTTBning muvofiqlik nazorati boshqarmasi (OCCO) Bankda mas'uliyatli boshqaruvga ko'maklashish bilan birga Bank faoliyatining barcha jabhalarida eng yuqori standartlarda ish olib borilishini va barcha jarayonlar ilg'or xalqaro tajribalarga muvofiq bo'lishini ta'minlaydi. Bankning barcha mijozlari uchun ularning ish faoliyatidagi halolligini tekshirishdan maqsad, Bank loyihalari uchun qabul qilinishi mumkin bo'lmagan huquqiy va nufuzga oid risklarga yo'l qo'yilmaslikdan iborat. Bank nuqtai nazariga ko'ra, loyihani dastlabki baholash va tasdiqlash bosqichida muammoli jihatlarni aniqlash va ularni bartaraf qilish Bank faoliyati nufuziga putur yetkazmaslikning eng samarali vositasidir. OCCO ushbu profilaktika chora-tadbirlarida muhim ahamiyatga egaligi bilan birga investitsiya qilinganidan keyingi davrda Bankning nufuziga xavf soladigan risklarni nazorat qilishga yordam beradi.

OCCO, shuningdek, YTTB tomonidan moliyalashtirilayotgan loyihalar doirasidagi firibgarlik, korrupsiya va lavozimni suiiste'mol qilish bo'yicha ma'lumotni tekshiruvchi mas'ul hisoblanadi. Agar kimningdir Bank ichida yoki undan tashqarida firibgarlik yoki korrupsiya holatlari kuzatilayotganligi haqida gumoni bo'lsa, u muvofiqlik nazorati boshqarmasi boshlig'iga bu holat haqida yozma tarzda compliance@ebrd.com elektron manzili orqali xabar qilishi lozim. Barcha bildirilgan daliliy ma'lumotlar tegishli choralar ko'rish uchun OCCO tomonidan ko'rib chiqiladi. Barcha xabarlar, shu jumladan anonym tarzidagi xabarlar ham tekshirib chiqiladi. Bu turdagi xabarlar istalgan tilda, jumladan Bank faoliyat ko'rsatayotgan mamlakatdagi rasmiy tilda tayyorlanishi mumkin. Bunday ma'lumotlar yaxshi niyatni ko'zlashi maqsadga muvofiqdir.

Axborotdan erkin foydalanish siyosati (AIP)

2020-yilning 1-yanvarida kuchga kirgan IAP YTTBning strategiyalari, siyosatlari va amaliyotlarini yaxshiroq tushunish va bilishga ko'maklashish uchun manfaatdor tomonlarga ma'lumotlarni ochiqlash bilan birga maslahatlashuvlar tartibini belgilab beradi. YTTB veb-saytidan qanday ma'lumotlar olish mumkinligini bilish uchun [Axborotdan foydalanish siyosati](#) sahifasiga o'ting.

Muayyan savollaringizni [YTTBning ma'lumot so'rovi](#) orqali yuborishingiz mumkin.

Loyihalar bilan bog'liq shikoyatlarni ko'rib chiqish mexanizmi (IPAM)

Agar jismoniy yoki yuridik shaxslarning ekologik-ijtimoiy sohadagi yoki axborotni oshkor qilish borasidagi xavotirlarini (masalan, loyiha darajasida mijozlar tomonidan yaratilgan shikoyatlar mexanizmi yoki Bankning amaliyot boshqaruvi bilan bevosita o'zaro aloqa qilish orqali) qanoatlantirishga bo'lgan urinishlari samarasiz bo'lsa, ular YTTBning hisobdorlik mexanizmi ya'ni loyihalar bilan bog'liq shikoyatlarni ko'rib chiqish mexanizmi yordamida (IPAM) o'zlarining o'sha xavotirlarini bildirishlari mumkin.

Loyihalar bilan bog'liq shikoyatlarni ko'rib chiqish mexanizmi (IPAM), arizachilarning fikriga ko'ra, zarar yetkazishga ulgurgan yoki kelajakda zarar yetkazishi mumkin bo'lgan loyihaning muammolarini mustaqil ravishda baholaydi. Ushbu mexanizmning vazifalari quyidagilardan iborat: - ekologik-ijtimoiy va axborotni oshkor etish bo'yicha muammolarni hal qilish uchun loyiha ishtirokchilari o'rtasidagi o'zaro aloqalarni o'rnatish va muloqotlarni olib borish; - Bank tomonidan ishlab chiqilgan [Ekologik va ijtimoiy siyosat](#) talablariga, shuningdek loyihaga oid tegishli [Axborotdan erkin](#)

[foydalanish siyosati](#) qoidalariga rioya qilinishini baholash; - zarurat tug'ilganda, ushbu mezonlarga rioya qilmaslik holatlarini bartaraf etish, kelgusida Bank tomonidan ularni buzish holatlariga nisbatan ko'riladigan choralari ko'zda tutish.

IPAM va uning vakolatlari haqida batafsil ma'lumot olish, ko'rib chiqilishi kerak bo'ladigan [shikoyatlarni jo'natish](#) uchun [Loyihalar bilan bog'liq shikoyatlarni ko'rib chiqish mexanizmi vebsaytiga](#) kirishingiz yoki tavsiyalar olish hamda IPAM haqida qo'shimcha ma'lumot olish va shikoyat jo'natish uchun ipam@ebrd.com elektron pochta orqali biz bilan bog'lanishingiz mumkin.